

KUALA LUMPUR: Pertubuhan Keselamatan Sosial (PERKESO), sebuah agensi di bawah Kementerian Sumber Manusia (KSM) telah melaksanakan pelarasan kos sara hidup bagi semua penerima faedah berkala dan kenaikan kadar pencen minimum di bawah Skim Keilatan PERKESO berkuat kuasa 1 Januari lalu.

Ketua Eksekutifnya, Datuk Seri Dr. Mohammed Azman Aziz Mohammed berkata, pelaksanaan kedua-dua inisiatif di bawah Akta Keselamatan Sosial Pekerja 1969 (Akta 4) itu dijangka memberi manfaat kepada lebih 456,000 penerima faedah PERKESO.

Menurutnya, mereka adalah penerima faedah PERKESO di bawah Skim Bencana Pekerjaan dan Skim Keilatan di bawah Akta 4 seperti:

- i. Faedah Hilang Upaya Kekal
- ii. Faedah Orang Tanggungan
- iii. Pencen Ilat
- iv. Pencen Penakat

“Pelarasan yang dilaksanakan kepada faedah berkala dan pencen yang dibayar kepada penerima faedah PERKESO berupaya membantu mereka menangani peningkatan kos barangan dan perkhidmatan di negara ini, terutamanya dalam meneruskan kelangsungan hidup mereka,” katanya dalam kenyataan di sini semalam.

Menurutnya, inisiatif pelarasan kos sara hidup bagi penerima faedah berkala sedia ada dan kenaikan kadar pencen minimum adalah lanjutan daripada Kajian Penilaian Aktuari ke-11 oleh Pertubuhan Buruh Antarabangsa (ILO) dengan mengambil kira keadaan sosial dan ekonomi semasa di Malaysia, kesan dari-

Lebih 450,000 penerima faedah berkala terima manfaat

PERKESO mula laksanakan pelarasan kos sara hidup



MOHAMMED AZMAN AZIZ MOHAMMED

pada pandemik COVID-19, peningkatan kos sara hidup dan kenaikan kadar inflasi.

Katanya, kedua-dua langkah tersebut akan melibatkan perbelanjaan sebanyak kira-kira

RM234 juta.

Dalam pada itu, Mohammed Azman berkata, pelarasan Kos Sara Hidup untuk faedah berkala PERKESO kali ini dijangka memberi manfaat kepada lebih

400,000 penerima faedah dan membabitkan anggaran perbelanjaan berjumlah RM213 juta.

“Sejak 1977 sehingga kini, pelarasan Kos Sara Hidup bagi bayaran faedah berkala PERKESO telah dibuat sebanyak 12 kali di bawah Skim Bencana Pekerjaan dan 10 kali di bawah Skim Keilatan,” katanya.

Kadar pelarasan Kos Sara Hidup bagi penerima faedah berkala PERKESO yang berkuatkuasa pada 1 Januari 2023 adalah antara 0.7 peratus hingga 9.4 peratus mengikut tarikh terakru (tahun pencen diterima) dengan peratus pelarasan seperti rajah 1.

Sementara itu, Mohammed Azman berkata, pelaksanaan kenaikan Kadar Pencen Minimum di bawah Skim Keilatan ditingkatkan daripada kadar sedia ada iaitu sebanyak RM475 sebulan kepada RM550 sebulan.

“Peningkatan Kadar Pencen Minimum ini akan membolehkan kira-kira 56,000 penerima faedah dalam membantu mereka menangani peningkatan kos sara hidup. Peningkatan ini akan melibatkan perbelanjaan sebanyak kira-kira RM21 juta,” ujarnya.

Menurut beliau, adalah men-

RAJAH 1

TAHUN PENCEN TERAKRU	KADAR PELARASAN (%)
Pencen terakru sebelum tahun 2015	9.4
Pencen terakru dalam tahun 2015	8.4
Pencen terakru dalam tahun 2016	6.2
Pencen terakru dalam tahun 2017	2.3
Pencen terakru dalam tahun 2018	1.3
Pencen terakru dalam tahun 2019	0.7

jadi harapan PERKESO agar kedua-dua inisiatif ini akan dapat meringankan beban kewangan, meningkatkan kesejahteraan dan memenuhi keperluan sosioekonomi penerima faedah PERKESO.